



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

1. Markgraf Johann von Brandenburg stiftet einen Vergleich zwischen den Herzögen Albrecht von Sachsen und Albrecht von Braunschweig, am 28. Februar 1258.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

1. Markgraf Johann von Brandenburg stiftet einen Vergleich zwischen den Herzögen Albrecht von Sachsen und Albrecht von Braunschweig, am 28. Februar 1258.

Super discordiis et controuersiis omnibus inter Illustres principes dominum Ducem Saxonie Albertum ex vna, et dominum Ducem de Brunefwic Albertum ex parte altera, dudum habitis, mediante viro Illustrj, Johanne, Marchione de Brandenburg, et aliis vtriusque partis amicis ad hoc fideliter laborantibus intercessit amicabilis compositio In hunc modum, quod tam de Castro Hyddefackere et ejus attinentiis, quam de bonis aliis, super quibus Dux de Brunefwic, dominum Ducem Saxonie culpauerat multis annis, ordinatum est taliter per premissos. Principes superius nominatj paludem, a Blekethe, vsque ad Ecclesiam Hachede pari manu ad colendum et in agros redigendum locabunt cultoribus vt dampna simul et commoda et profectus que de ipsa terra poterunt prouenire, equaliter partiantur. Dominus Dux Saxonie iudicium ejusdem terre, immo ipsam terram domino Duci de Brunefwic dimidiam dedit, In cuius restaurum Dux de Brunefwic decimam dicte terre dimidiam dedit duci Saxonie superius nominato. Si quos uero illorum, quj inphedatj sunt infra dictam terram, de bonis suis amouere uellent, vel ille ratione precij cedere uellet sponte, expensas illas Duces ambo pari manu facient et de una uoluntate, Ita ut neuter alium preueniat vel circumueniat in hoc casu. Ad hec ad maioris amicicie firmanentum Dux de Brunefwic, dimidium eius quod dicitur Teldowe dedit domino Ducj Saxonie, recipiens ab ipso dimidium decime dum dicta terra Teldowe exposita fuerit ad colendum. Si aliqui uero possessiones habent in dicta Palude Teldowe, et eas causa precij dimittere uolunt, vel principes dictj eos uoluerint amouere, paribus expensis et parj facient uoluntate. Dominus Dux Saxonie oppida Blekedhe et Erteneburg cum eorum attinentiis specialiter optinebit, in quorum restaurum dimisit Ducj de Brunefwic pheodum quod habuit in Ciuitatibus Oldenthorpe et wicenhufen et pertinentiis ad eadem. Super hec omnia Dux de Brunefwic, vt illi qui bona habent super Dertfingen, amoueantur vel aliorum bonorum restauro vel precio, dabit opem et operam bona fide. Sane vt omnia, que inter principes sepedictos orta sunt vel possunt in posterum suborirj, tollantur de medio, et amicabiliter componantur, quiuis principum predictorum pro se duos ex suis hominibus statuet ad hoc, vt nec odii nec

amoris causa ullatenus hoc omittant, quin in iure vel amicitia hoc componant, et tactis reliquiis hoc iurabunt quod omnem diligentiam quam possent adhibeant bona fide, quorum iudicio si forte terminari non posset, debent duo nobiles adhiberi, qui ad componendum ea, que orta sunt vel oriri possunt, suum apponant studium pura fide, per quos si non fuerit terminatum, ad dominos Marchiones erit recurrendum, et sicut ipsi statuerint firmiter obseruandum. Etiam si aliquis istorum hominum, vel nobilium decederet, loco illius debet substitui alius eque dignus. Secundum hec prescripta dominus Dux de Brunefwic, sui fratres et heredes eorum cesserunt ab omni actione vel inpetitione, quam habebant contra Ducem Saxonie, tam pro castro Hyddefackere, quam aliis quibuscunque, et dominus Dux Saxonie uersa uice cessit ab omni actione quam habuit contra illos. Vt hec firmiter obseruentur utrobique, principes supradicti inter se promiserunt manualiter fide data. Huic compositioni intererant et sunt testes: Ingenuus princeps Henricus, Comes Ascharie, qui promissum recepit utrobique, Comes Adholphus de Dannenberg, Conradus de Boldensel, Henricus de Homburg, Geuehardus de Bortvelde, Heno de wenethen, Burchardus de Zwegen, Gerhardus de Kerkowe, Geuehardus de Aluenfleue, Johannes de Crakowe, Georgius et Thidericus, fratres de Hyddefackere, Jerricus de Berfcampe, Fridericus Barvot, Winandus, Anno Dapifer, Ericus de Gardeleche et alii quam plures. Actum et datum in villa Bredenvelde, Anno domini Millesimo CC^o. LVIII^o. II. kal. Marcij.

Nach Sudentorfs Urkundenbuch zur Geschichte der Herzöge von Braunschweig und Lüneburg und ihrer Lande Th. I, S. 31. No. 46.

2. Erzbischof Conrad von Magdeburg schließt mit den Herren zu Werle, Mecklenburg und Rostock, ingleichen mit dem Grafen von Schwerin und mit dem Fürsten Witslaw von Rügen ein Bündniß gegen die Markgrafen, am 1. Mai 1272.

Nos Conradus, dei gracia sancte Magdeburgensis ecclesie archiepiscopus, Notum facimus vniuersis auditoris presentes litteras et uisuris, quod vir(is) nobilibus, domino Nicholao de Werle, comiti Guncelino de Zwin, domino Heinrico Magnopolensi, domino Witzlao de Rugin, domino Woldemaro de Rostoc, dominis Slauie, et eorum filiis astrinximus data fide, nos et nostrum capitulum nostros similiter fratres iuratos, dictos dominos Slauie adiuuare bona fide, toto posse, werra eorum durante contra dominos marchiones Brandenburgenses, et deinceps quoad uixerimus ipsis assistere debemus contra eosdem dominos marchiones et contra quemuis uolentem ipsos iniuriose destruere, illustribus principibus Alberto,